


ნინო გორდელაძე
თინათინ კუხიანიძე
მარიამ მეტრეველი

ნამდვილი და მოგონილი ამბები



საკითხავი და სავარჯიშოები მეცნიერებასელთათვის



სარჩევი

ნაკითხულის გააზრება

ბიბო (რ. ინანიშვილი)	4
მე ბიქი ვარ (ი. ლომოური)	11
უკმარი გელმარიხიანთა სამეცნიში	
(ი. ლომოური)	22
ჩე, ანუ თეთრი ქალაქი (ნ. ცირამუა)	32
წერტილი და მძიმე (გ. ჩოხელი)	37
მანანნალა რასმესი (ა. ლინდგრენი)	42
ტკივილი? - არა, რაღაც და გათავდა	
(გ. რჩეულიშვილი)	48
ბერძნელი მითოლოგია	51
ტიმ სევერინის მოგზაურობა	58

მნერლის სახელოსნო

თხრობის „მთაგრეხილი“	64
შთამბეჭდავი სათაური	68
დასაწყისი	70
აღმა-დაღმა	72
დასასრული	76
ადგილები, ადგილები	80
შასატვრელად წერა	82
ამბების მოყოლა	86
განაგრძე წერა	88

ნინო გორდელაძე, თინათინ კუხიანიძე,
მარიამ მეტრეველი

ნაგდვილი და მოგზილი ამგები
საკითხავი და სავარჯიშოები მეექვსეკლასელთათვის

ბაკურ სულაკაურის გამომცემლობა
თბილისი
2015

რედაქტორი ნინო ნეკერიშვილი
ილუსტრატორები: ია მახათაძე, თეომურაზ ფხივიძე
ყდის დიზაინერი თამუნა თათელაძე
დიზაინერები: ია მახათაძე, თინათინ ბერძერაშვილი

© ბაკურ სულაკაურის გამომცემლობა, 2015
ყველა უფლება დაცულია

შპს „ბაკურ სულაკაურის გამომცემლობა“
აღმაშენებლის 150, 0112 თბილისი
ტელ.: 291 09 54, 291 11 65
ელ. ფოსტა: info@sulakauri.ge

GEORGIAN 6
Activity Book

© Bakur Sulakauri Publishing, 2015
All rights reserved.

www.sulakauri.ge

ISBN 978-9941-23-273-2

ნაკითხულის გაზრება

ნიგნის ამ ნაწილში მოცემულია:

თქვენი ასაკისთვის შესაბამისი მხატვრული და
შემეცნებითი ტექსტები, სახალისო ილუსტრაციები,
ცხადი ინსტრუქციები და შეკითხვები ნაკითხულის
გაზრების უნარის გასავითარებლად.

ბიბო

ბიბო პატარა ბიჭია. პატარაა, აბა, მაშ, რა არის, ჯერ ხუთი წლისაც კი არ გამხდარა! გრძელი ლამის პერანგი აცვია და ისე სძინავს. გადაიხდის საბანს და გდია საბერე კიტრივით არხეინად საბანგადახდილი. ძალიან კი სწყინს ხოლმე, ვინმე რომ ეტყვის, პატარა ხარო. პატარა, მე კი არა, ჩვენი რობიზონაა. რობიზონა ვიღაა? ბიბოს ბიძაშვილი. სულ რაღაც ცხრა თუ ათი თვით უმცროსია ბიბოზე, მაგრამ ბიბო ისე ექცევა, როგორც ნამდვილ დიდს შეჰვერის. არიგებს: ასე და ასე მოიქეციო. მფარველობს კიდეც – ბიბოს შიშით ვერც ერთი ბიჭი ცუდს ვერას გაუბედავს რობიზონას. თუ მაინც გაუბედეს? მაშინ ბიბო ერთს ღრმად ჩაისუნთქავს, ლოყებს დაბერავს და ბაყბაყდევივით დააბრიალებს თვალებს. ბაყბაყდევივით თვალებმობრიალე ბიჭს კი, აბა, ვინ უნდა დაუდგეს წინ!

ზოგიერთ უხეიროს კი არა ჰავავს, მოსვენებას რომ არ აძლევენ დედას და ბებიას. საჭმელია, ძალით უნდა ჩასჩარო ამ უხეიროებს, ძილია და... დაწვებიან და დაიწყებენ ჩხავილს – ზღაპარი მიამბეთ, თორემ ისე არ დავიძინებო.

ბიბო დიდივით მიუჯდება მაგიდას, თვითონვე აიფარებს ხელსაწმენდს გულზე, მარჯვენა ხელში დიდ კოვზს დაიჭერს, მარცხენაში – დიდ პურს და დინჯად, საქმიანად შეუდგება ჭამას. კერძს რომ გაათავებს, ახლა ჩაის მოითხოვს, ჩაისაც წყნარად, დაგემოვნებით დალევს, მოიწმენდს ტუჩებს, – აგაშენოთო, – იტყვის ნამდვილი კაცივით და წამოდგება.

ღამეა. დედა საკერავ მანქანას უზის. ბებია საბანს ალიანდაგებს, – პრიალა ნემსით მართლაც ლიანდაგივით სწორი ხაზები გაჰყავს საბნის ერთი კუთხიდან მეორემდე.


– ხომ არაფერი გჭირდებათო! – იკითხავს ბიბო.

– შენი კარგად ყოფნა და გახარებაო, – მიუგებენ დედა და ბებია, – დაწექ ახლა და დაიძინეო.

ბიბო დიდ, დამრგვალებულ მუცელზე აისვამს და დაისვამს ხელს, ლოყებს გამობერავს – არ უყვარს, ასე, პატარასავით რომ ეალერსებიან დედა და ბებია. ცოტა ხანს ბაზურა კატას მიუჯდება. ბაზურა, აქამდე რომ არხეინად იწვა ღუმელის ქვეშ, ბიბოს მიახლოებისთანავე წამოდგება და ნელა გაძვრება ღუმელის იქითა მხარეს.

– ჭკვიანი ბიჭია ეს ჩვენი ბიბო, – იტყვის ხოლმე ბაზურა, – მაგრამ რა ვიციო, მაინც ბიჭიაო, ვინ არის თავდები, რომ ერთ დღეს შიგ ძირში არ მომაჭრას კუდი თავისი წალდუნათიო?! ამიტომაო, – იტყვის ხოლმე ბაზურა, – ისევ გაცლას ვამჯობინებო.

შეძვრება ტახტის ქვეშ, მოიკუნტება კოხტად, თათს თავქვეშ ამოიდებს და ახლა იქ განაგრძობს ძილსა და კრუტუნს.



რევაზ
ჩანანიშვილი

ბიბო კი დაამთქნარებს. ეს იმის ნიშანია, რომ იმასაც უძინება. მაგრამ ისე არ დაიძინებს, ერთხელ კიდევ არ გავიდეს გარეთ და ერთხელ კიდევ არ გახედოს გზას – აბა, მამაჩემი ხომ არ მოდისო. მამამისი, შაქრო, შოფერია*. უზარმაზარი „ზილი“** დაჲყავს და ხან მთელი კვირაობით მიდის შორს, ყიზლარში. ახლაც ყიზლარშია და მის მოლოდინში თვალი გზაზე აწყდება ბიბოს. გადგება აივანზე და შემოიყრის დოინჯს. ძირს ჩაბნელებული ივრის დიდი ჭალაა, იმ ჭალის იქით – წალმიანი გორა, იმ გორაზე კი შარაგზა მიიკლაკნება და ზედ ციცინათელებივით მიცოცავენ მანქანები.

– ნეტავ მამაჩემის მანქანა, აგერ, ის იყოს, აგერ! – იტყვის ბიბო ხან ერთზე, ხან მეორზე, მაგრამ მანქანები ჭალისკენ არ უხვევენ. ისინი ზემოთ, გომბორისკენ მიდიან და ბიბოს გული სწყდება.

– ეჰეჰე! – დაადევნებს ვაჟკაცურ ძახილს, – ეჰეჰე!

მაგრამ იქიდან კი არ ღებულობს პასუხს, მეზობელი სახლიდან დაეხმაურება ვიღაც:

– ეჰეჰე, ბიბო!..

ეს რობიზონაა, პატარა რობიზონა. ისიც აივანზე გამოდის და დიდი ხნის უნახავივით ხელებანეული, გახარებული ეძახის ბიბოს:

– ბიბოოო! ბიბოოო!..

ბიბოს არ უყვარს, სხვა ვინმე რომ ერევა მის ამგვარ ოცნებებში, მაგრამ რობიზონა პატარაა, ჯერ ჭკუა არა აქვს, ამიტომ მხოლოდ კეთილი მოხუცივით ტუქსავს:

– რაღა დროს შენი ღვიძილია, ბიჭო, წადი, დაწექი ახლავე!

და რობიზონას შინ შესვლას აღარ დაუცდის, თვითონ შებრუნდება შინ, დინჯად გაიხდის ტანსაცმელს, კოხტად დააწყობს ერთ ადგილას, დაწვება და დაიძინებს.

გათენებას ჯერ ბევრი აკლია, რომ ერთი პირობა მაშინ გაიღვიძებს. დედას და ბებიას სძინავთ. ეცოდება, არ უნდა, შეანუხოს. წევს გატვრენილი, აპარპალებს იმ დიდრონ თვალებს და იცდის, იქნებ თავისით გაიღვიძონო, მაგრამ თავისით არ იღვიძებენ და როდემდე იქნება ასე, კაცს პური შია!

– ბებო! – გადასძახებს ჩუმად.

– რაო, შემოგევლე! – იმწამსვე გამოეპასუხება ბებია.

– კარაქიანი პური მომიტანე რა, ცოტა!



* შოფერი – ბარბარიზმი (რუსულიდან) – მძღოლი

** „ზილი“ – სატვირთო მანქანის ერთ-ერთი მოდელი

მიუტანს ბებია კარგა მოზრდილ კარაქიან პურს. ილუკმება ბიბო და თან ფიქრობს... უუ, რაზე აღარ ფიქრობს. რამდენი რამაა ამ ქვეყანაზე საფიქრალი! მამა ჯერ არ დაბრუნებულა ყიზლარიდან. იმ სიგრძე გზაა, აქეთ შავი კლდეები, იქით – უფსკრულები და ფაფარაყრილი თერგი, ეუჳ! ფაფარაყრილი თერგი! ჰაერში კიდევ ნისლებია გაკიდებული. თანაც ათასი მთვრალი შოფერი დადის, ათასი ზვავია, ათასი ოხრობაა... მამა კიდევ ფიცხია, სულ ჩქარობს. ნეტავ რა ეჩქარება! როცა ნელა მიდიხარ, განა მაშინ უფრო კარგად არა ჩანს ყველაფერი?! მერმისს შენც წაგიყვანო. ეუჳ, რა იქნება! ნეტავ მართლა მოერევა დათიკაანთ ძალი ჩვენსას? ერთი კომშე უნდა გამოვცადო ჩემი წალდუნა, კომში მაგარიაო... ილუკმება, ილუკმება ბიბო, ფიქრობს, ფიქრობს და ჩაეძინება ასე.

როცა ხელახლა გაიღვიძებს, უკვე ქვეყანასაც ღვიძავს. დედა კოლმეურნეობაშია* წასული. ბებია მარანში აპრახუნებს რალაცას. ვებერთელა მზე აივნის ბოძსა და ბოძს შუა გაჩერებულა და ბიბოს ელოდება. ბიბოც გადის ფეხშიშველა, თვალების ფშვნეტით. ახლა იქით ის ვებერთელა მზეა აივნის ბოძსა და ბოძს შუა, აქეთ – ბიბო. ერთხანს ჯიუტი ბოტებივით** ათვალიერებენ ერთმანეთს. მერე ბიბო მხარს შეაქცევს, – მე შენი აყოლა რას გამომადგებაო, – ტანსაცმელს ჩაიცვამს წვალებით, ხვემით, მაგრამ გმირული სიჯიუტით. ფეხსაცმელსაც შეიკრავს და ნელ-ნელა ჩავა კიბეზე.

მზე მაინც თავს არ ანებებს. მისდევს და იცინის მხიარულად. რატომ არ იქნება მხიარული, რა! აიწევს ასე, აიწევს და მერე არხეინად ჩაგორდება წალმიანის უკან. ბიბოს კი რამდენი საქმე აქვს მოსაგვარებელი: საქათმეში უნდა შეძვრეს და ნახოს, დადო თუ არა კვერცხი ქოჩორა დედალმა. ძალი უნდა წაიყვანოს და დათიკაანთ ძალის აჩხუბოს. წალდუნაც ხომ უნდა გამოსცადოს კომშე? გუშინ ამწე მოიტანეს სკოლის მშენებლობაზე, დღეს მაინც არ უნდა ნახოს, როგორ მუშაობს ის ამწე? თანაც... ჯანღივით შემოხვევია ეს ფიქრი გულზე: მამა ჯერაც არ დაბრუნებულა ყიზლარიდან. ეეჳ, მამა ჯერაც არ დაბრუნებულა ყიზლარიდან.

- ბიბოს გაუმარჯოს, ბიბოს! – ესალმებიან მეზობლები.
- გაგიმარჯოთ.
- როგორა ხარ, კაცო, ბიბო!
- გული დარდიანი მაქვს.
- რათა, კაცო, რათა!
- მამაჩემი ყიზლარშია და...
- მოვა, კაცო, მაგაზე რა გადარდებს.
- რა ვიცი, გზაა, ათასი მთვრალი დაეხეტება, ზვავია, ათასი ოხრობაა.
- ოხ-ო-ხო! რა ხარ, კაცო, რა ხარ! – გაიკვირვებენ მეზობლები და მართლაც გაკვირვებულები წავლენ, – რა არის ეს, რა უცნაური ყმაწვილიაო, კაცოო, რა გამოვა ნეტავ მაგისგანაო!

* კოლმეურნეობა – იფივე, კოლექტური მეურნეობა; საბჭოთა პერიოდში არსებული სასოფლო-სამეურნეო ორგანიზაცია, რომელიც წარმოიქმნებოდა გლეხურ მეურნეობათა გაერთიანების შედეგად.

** ბოტი – მამალი თხა, ფარის წინამძღვრი; მისი სინონიმია ვაცი. გადატანითი მნიშვნელობით – ყოჩალი, მამაცი.

– რა უნდა გამოვიდე და შოთერიო, – ეუბნება ყველას ბიბო.

– აბა, შენ იცი, აბა, შენ იციო! – უხარიათ მეზობლებს...

უხარიათ, რადგან იციან, რომ, თუ გამოვა, მისგან გამოვა დინჯი, ჭკვიანი შოთერი. ჩაგსვამს მანქანაში, გატარებს სულ წყნარად, სულ წყნარად. შეიძლება, შორი გზითაც მოგატაროს ცოტა, მაგრამ შინ მაინც მშვიდობით მიგიყვანს ყოველთვის. ეს კი მთავარია. ასეთი დინჯი, ჭკვიანი შოთრები ესაჭიროება ქვეყნიერებას. და ლოცავენ ყველანი:

– გაიზარდე, შერჩი შენს დედ-მამასაო.

ბიბოც იზრდება და იზრდება. ამაყად დააბიჯებს ამ დიდ, ღონიერ დედა-მიწაზე და ჯერჯერობით, სანამ მთლად დიდი გაიზრდებოდეს, სანამ შოთერი გახდებოდეს, თავის ბავშვურ საქმეებს აგვარებს ხვნეშით, გმირული სიჯიუტით.

თან დაჲყვება მისი მეგობარი მზეც.

გარაზონე:

1. მწერალი მოთხრობას ბიბოს გაცნობით იწყებს. როგორ დაგვარწმუნა მან, რომ ბიბო ჯერ მართლაც პატარაა?

აღნიშნე ორი დამადასტურებელი ფაქტი მოთხრობის პირველი აბზაცის

მიხედვით:

1. _____

2. _____

2. ბიბო ცდილობს, დაამტკიცოს, რომ უკვე დიდია. როგორ ახერხებს ამას თავის ბიძაშვილთან დამოკიდებულებაში? წარმოაჩინე მისი ორი საქციელი:

1. _____

2. _____

3. რატომ აბრიალებს ხოლმე ბიბო თვალებს „ბაყბაყდევივით“?

- ა.** თავის ბიძაშვილს, რობიზონს, უმტკიცებს, ძლიერი ვარო;
- ბ.** დედას და ბებიას უმტკიცებს, ვერავინ შემაშინებს, არაფრის მეშინიაო;
- გ.** თავის კატას, ბაზურას, ასე ეთამაშება, მრისხანედ აჩვენებს თავს;
- დ.** აფრთხილებს იმათ, ვინც პატარა რობიზონს ცუდად მოპყრობას გაუბედავს.

4. ვინ ამბობს მოთხრობაში ამ სიტყვებს: „— ხომ არაფერი გჭირდებათ“?

- ა.** დედა ეკითხება ბიბოს და ბებიას;
- ბ.** მამა ეკითხება წასვლის წინ ოჯახის წევრებს;
- გ.** ბიბო ეკითხება დედას და ბებიას;
- დ.** მეზობელი ეკითხება ბებიას, ბიბოს და დედამისს.

5. საოჯახო საქმეში ბიბო „ნამდვილი დიდივით“ იქცევა. დაასაბუთე მოთხრობის მიხედვით, რომ ეს მართლაც ასეა; მოიყვანე მაგალითი.

6. რომელ გეოგრაფიულ ადგილებს ასახელებს მწერალი მოთხრობაში? ამოიწერე

3 ადგილი: _____

7. მწერალი ამბობს:

„იმ გორაზე კი შარაგზა მიიკლაკნება და ზედ ციცინათელებივით მიცოცავენ მანქანები“. რაზე მიგვანიშნებს იგი ამ შედარებით?

- ა.** ამ ფართო გზაზე ბევრი მანქანა ერთდროულად მიდის;
- ბ.** მანქანები უკვე ძალიან მაღლა ასულან;
- გ.** შორიდან მოჩანს, რომ ღამით ფარებანთებული მანქანები ფრთხილად ადიან აღმართზე;
- დ.** ღამით შორიდანაც დაინახავ, რომ ამ შარაგზას დიდი სატვირთო მანქანები მიუყვებიან.

8. რით გვისაბუთებს მწერალი იმას, რომ ბიბო მგრძნობიარე ბავშვია, მას განმარტოებით ფიქრი სჩვევია? ამოიწერე მოთხრობიდან შესაბამისი წინადადება:
-
-

9. როგორი არ არის ბიბო?

- ა. უშიშარი ბ. საქმიანი გ. მსუნავი დ. ამაყი ე. ფიცხი
იმსჯელეთ: როდის ავლენს ბიბო იმ თვისებებს, რომლებიც მას ახასიათებს?
-

10. რა არის ბიბოს დარღის მიზეზი, რისი ეშინია მას, როდესაც ყიზლარში გამგზავრებულ მამაზე ფიქრობს?
-
-

11. მწერალმა, ცხადია, იცის, რომ სიტყვა „შოფერი“ ბარბარიზმია, სალიტერატურო ენაში მას „მძღოლი“ შეესაბამება. მიუხედავად ამისა, რატომ იყენებს იგი სწორედ ამ სიტყვას – „შოფერს“?

- ა. ამით მიგვანიშნებს, რომ პატარა ბიბომ ჯერ კარგად არ იცის სალიტერატურო ენა და სასაუბრო ენით მეტყველებს;
ბ. ამით მიგვანიშნებს, რომ იმ დროისთვის ეს პროფესია უცხო და იშვიათი იყო კახეთისთვის, ამიტომ ამ მხარეში უცხო სიტყვას იყენებდნენ;
გ. იგი განზრახ იყენებს სასაუბრო ენაში შემოჭრილ ამ სიტყვას და ამით ცოცხალ ბუნებრივ გარემოს ქმნის, მოთხრობას დამაჯერებლობას ანიჭებს.
-

12. მოთხრობის რომელ მონაკვეთში ჩანს ის, რომ ბიბოს ბუნება უყვარს, ბუნებით ტკბობა შეუძლია?
-

13. იპოვე მოთხრობაში და ამოიწერე წინადადება, რომლითაც დაასაბუთებ, რომ მზე გასულიერებულია, მას ადამიანის თვისებები მიეწერება:
-
-

14. შენი აზრით, რა როლს ასრულებს მოთხრობაში ეს უჩვეულო პერსონაჟი – მზე?
-
-

15. ბიბო მამის პროფესიას ირჩევს. კიდევ როდის გრძნობს მკითხველი, რომ პატარა ბიბო მამას ჰქონდა?

16. რისი იმედი ჰქონდათ მეზობლებს, რას მოელოდნენ ბიბოსგან ისინი?

17. მოთხრობის რომელ მონაცემში იყენებს მწერალი ანდაზის შინაარსს: „შორი გზა მოიარე, შინ მშვიდობით მიდიო“?

18. რას ნიშნავს „ჯანლი“?

- ა. ძლიერ ნისლს ბ. დიდ თოვლს გ. ძლიერ წვიმას დ. შავ ღრუბელს

19. ამოიწერე მოთხრობიდან მხატვრული ხერხის – შედარების – 3 ნიმუში:

1. _____

2. _____

3. _____

20. ა. შეარჩიე მოთხრობიდან მონაცემთი, რომლითაც დაადასტურებ, რომ მწერალს მოსწონს თავისი პატარა პერსონაჟი;

ბ. შენ როგორ შეაფასებდი ბიბოს?

მე ბიჭი ვარ...

(ზაზა და ზაზუ)

„დმერთო, ულხინე ყველა ბავშვს ქვეყანაზე!“

რევაზ ინანიშვილი, „ზამთრისპირის ბინდი“



ირაკლი
ლომოური

„მთავარია, არ ვიტირო, მე ბიჭი ვარ და არ უნდა ვიტირო“, – გულში იმეორებდა ათი წლის ზაზა. შემოდგომის მოჟამულ, ტალახიან, გადათხრილ ქუჩაში თავჩაქინდრული მიაბოტებდა.

არადა, ეტირებოდა.

ცრიდა.

„რომც ვიტირო, ვერავინ მიხვდება, – გაუელვა, – ეგონებათ, წვიმის წვეთებია...“

კლასელები წამოეწივნენ – ორი გოგო. ზაზამ გახედა და თვალი უმალ მოაშორა. გოგოებს ისედაც ვერ იტანდა, ამ მეტიჩრებს ხომ, საერთოდ... უფრო ზუსტად, პირველს ვერ იტანდა, მეორეს კი – ვერ ამჩნევდა და არც იმჩნევდა, ზედაც არ უყურებდა...

გოგოებმა გადაასწრეს.

– გაგვიანდება, რას მობლაყუნობ?! – პირველმა ისე უთხრა, გეგონებოდა, ბებიამისი იყო და არა თანატოლი.

ზაზამ პასუხის ღირსად არ ჩათვალა. მეორეს კი ზედაც არ შეხედა. არც ერთი წამით....

– ზაზა, როგორ გყავს ზაზუ? – ისევ პირველმა ჰკითხა. ჩაიცინასავით.

ამის გაგონებაზე ზაზა შედგა და ისე შეხედა, გოგოები თავქუდმოგლეჯილები გაიქცნენ სკოლისკენ, ქუჩის ბოლოს რომ იდგა, მდინარე ვერეს ნაპირას, შემაღლებულზე.

აღარ ჰყავდა ზაზუ. მოუკვდა. ამ დილას.

მოუკვდა!!!

თითქოს კინოფირი უკან დატრიალდაო, ზაზამ დაინახა (კი არ გაახსენდა, დაინახა), როგორ აღვიძებს დედა... რატომდაც თავის თავს გვერდიდან უყურებდა, თითქოს ეკრანზე...

...ფერადი ფოტოებით, პლაკატებითა და ნახატებით მორთულ ოთახში გვერდიგვერდ ორი საწოლი დგას, ერთში ზაზა წევს, მეორეში – მისი უფროსი ძმა, თხუთმეტი წლის გუგა. ბიჭებს სძინავთ. ოთახში შუა ხნის ქალი შედის, ძმების დედა, ხმამაღლა ამბობს: „ადექით! სკოლაში მიდიხართ!“ ბიჭები ყურსაც არ შეიბერტყავენ. დედა ახლოს მიდის, სათითაოდ აჯანჯლარებს, კიდევ უფრო ხმამაღლა, ლამისაა ყურში ჩასძახის: „გაიღვიძეთ! ადექით! დაგაგვიანდებათ!“